



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Cliens

urn:nbn:de:hbz:466:1-40647

non est assidue exercenda. Marchant. & alii. *ibid.* §. *At ego.*

Incidit in censuram percussus illi us, no vel duobus iustibus pugno, vel baculo in expellente Clericum manu in ordine ad laesionem hono. &c. datur parvitas materia.

36. Percussus Clericum uno, vel duobus iustibus pugno, vel baculo incidit in censuram, (si quis suadente, &c.) Filiucius, & alii *part. 10. tract. 14. resol. 36.* & non datur parvitas materiae, nisi quando manu quis tantum repelleret Clericum, quæ percussio arbitrio prudentum censetur levis in ordine ad laesionem honoris, sed facta baculo est gravis respectu ejusdem honoris. Barbof. & alii. *part. 10. tr. 14. resol. 36. §. Sed si quis in fine.*

37. Clerici Regulares dicti Theatini gaudent privilegiis concessis aliis Religiosis, & etiam Societati Jesu ex Paulo IV. die 7. Octobris 1555. de conjunctione Somaschorum cum Theatinis, vide Ref. *part. 10. tract. 16. resolutione. 91.*

Vide verb. *Sacerdos.*

C L I E N S.

Cliens an possit convenire cum advocato de quota liter Et teneatur solvere salarium annuum quando nullam habuit licentiam?

1. Cliens in foro conscientiae seclusa fraude potest pacisci cum advocato de quota lite, ut liberetur ab onere illum sæpius adeundi, &c. Et si habeat advocatum, cui solet salarium annuum, non teneatur solvere integrum in eo anno, in quo nulla ei lis contigit agitanda. Vide V. *Advocatus, num. 5.*

C O E C V S.

Cæcus non potest torqueri, non puniti poena ordinaria. Non accusare.

1. Cæcus secundum Gizzarellum *decis. 26.* non potest torqueri, & puniti poena ordinaria, id quod multis rationibus probat. Addens, cæcum repellit ab accusando: quod tamen distinguit Decianus *tract. crim. tom. 1. lib. 3. c. 11. part. 5. tract. 6. resol. 37.*

Potest esse fideiussor. Et inire contractum societatis.

2. Cæcus secundum Richter *de contract. disp. 8. thes. 1.* potest esse fideiussor: nam non deficit in intelligentia, imò ut plurimum excellit. Idem docet. De mari *adltr. ad Gizzarellum decis. 16.* Addens, cæcum inire posse societatem. *part. 5. tract. 6. resol. 29.*

Potest donare causa

3. Cæcus potest donare causa sine solemnitatibus, dummodo sit præ-

sens donatarius, vel alius, qui pro eo stipuletur. Ita Seraph. *rom. 1. decis. 966. nu. 5.* contra Aleiat. *in d. l. 2. num. 15.* & alios. *part. 5. tract. 6. resol. 25.*

mortis sine solemnitatibus.

4. An possit condere testamentum. Vide V. *Testari, num. 10.*

Declinare forum, ut miserabilis.

5. Cæcus potest forum declinare tamquam persona miserabilis, quia inter tales numeratur. Ita Novarius *de elect. fori sect. 2. quaest. 8. num. 6. 9.* Qui id putat procedere de eo, qui utroque lumine est orbatus. *part. 5. tract. 6. resol. 30.*

6. Excusatur etiam à muneribus publicis, & personalibus, ex l. i. Cod. qui morbo se excusat lib. 10. Ita Gizzarellus *decis. 26. n. 4. cap. 29. part. 5. tract. 6. resol. 33.*

Et munera publica personalia.

7. Sacerdos cæcus dicitur celebrare non posse: quia, qui non cognoscit, reputatur ut absens, & sic numquam habere potest materiam præsentem, sicut ad consecrationem requiritur. Sed dicendum nihilominus posse de licentia Summi Pontificis consecrari. Sine qua tamen celebrans graviter peccaret. Ratio autem est, quia materia fieri potest illi præsens quando ita approximatur, ut facile tangi possit, id quod cæcus ex aliorum testimonio, vel tactu percipere potest. Unde Sotus apud Ochagaviam *de Sacrament. tract. 1. q. 6. n. 11.* testatur, se vidisse Tridentini quemdam Episcopum cæcum ex dispensatione Papæ Sacrum conficere. *part. 5. tract. 6. resol. 17.* Affirmative dicunt aliqui *part. 9. tract. 9. resol. 30.*

Sacerdos cæcus potest celebrare.

8. Cæcus non potest esse testis in testamento, quia is debet videre testatorem. Ita Medices *de foro. cas. quaest. 6. n. 55.* Unde nec potest esse Visitator, qui de actibus, qui visu in visitatione percipiuntur, testimonium Superiori mittenti ferre debet. Unde si visitator in decursu visitationis obcæcatur, officium Visitatoris amitteret, nec illam visitationem prosequi posset. Ita Megala *verb. tom. 2. resol. 183.* Quod verò cæcus eligi non possit ad prælaturas, habetur in cap. *hinc etenim §. cæcus, dist. 49. part. 5. tr. 6. resol. 20.* sed potest eligere. *part. 9. tr. 9. resol. 30. §.* Notandum, potest tamen esse commissarius Inuard. *part. 10. tr. 16. resol. 45.* Surdus, Vide *Horæ Canonicae.*

Cum licentia Papæ

Cæcus non potest esse testis in testamento.

Nec Visitator.

Aut Prælati.